

Additamenta monographica 1922.

Auctore CARL MEZ.

(Fortsetzung von Seite 128)

Pedicelli gracillimi, usque ad 8 mm longi mihi visi, Flores non nisi valde immaturi cogniti sepalis bene sese marginibus tegentibus, fere liberis, subellipticis, apice ssymmetrice profunde emarginatis, punctulis multis parvisque pictis, margine longiuscule ciliatis. Petala in alabastro apice obtuso vix ultra 2 mm longo elliptica, satis asymmetrice emarginata, punctulis paucis minutisque picta, basi breviter connata. Stamina petalis absque dubio breviora, antheris triangularibus, mucronatim acutissimis, dorso in parte inferiore fere tota latitudine punctulis innumeris atris densissime pictis. Ovarium glaberrimum, ellipsoideum; stylo crassiusculo, satis breviora; stigmate punctiformi; placenta dissite pluriovulata.

Neu-Guinea, Kaiserin-Augusta-Fluss-Expedition, Etappenberg (Ledermann nr. 9295), Lordberg (Ledermann nr. 9972). - Ardisiae lauraceae Mez valde affinis.

Ardisia bisumbellata Mez nov. spec. - Arbuscula usque ad 8-metralis ramulis crassiusculis, glaberrimis, teretibus, adultis cortice cinereo obtectis. Folia petiolis ad 10 mm longis, leviter canaliculatis stipitata, elliptica, basi acuta apice brevissime obtusiusculeque acuminata, rigidula, glaberrima, integerrima, utrinque densiuscule prominulo-costata laxaque prominulo-reticulata, punctis prominulis paucis valdeque dissitis nec secus marginem crebrioribus aucta, ad 0,12 m longa et 50 mm lata. Inflorescentiae e ramulis novellis laterales, callis crassiusculis suffultae, subpauciflorae, secus axin promarium brevissimum crassumque umbellas complures fere sessiles ad 6-floras gerentes, glaberrimae, quam folia permulto breviores; pedicellis suberectis, apicem versus incrassatis, usque ad 20 mm longis. Flores brunnescenti-virides, evoluti vix infra 6 mm longi, in alabastro subacutiusculi; sepalis bene sinistrorsum sese tegentibus, basi ad $\frac{1}{4}$ - $\frac{1}{3}$ connatis, depresse suborbicularibus, bene emarginatis, toto margine glanduloso-ciliatis, minute punctulatis. Petala apice asymmetrice late acuta, breviter connata, punctulis multis parvisque corsoersa. Stamina petalis breviora stylumque superantia, antheris subtriangularibus, sensim acutis, brevissime filamentatis, dorso paucipunctatis. Ovarium glaberrimum, ovoideum; stylo subduplo longiore; stigmate punctiformi; placentis permultiovulatis.

Neu-Guinea, Kaiserin-Augusta-Fluss-Expedition, Felsspitze (Ledermann nr. 13016). - Ardisiae humili Vahl accedit.

Ardisia dasyneura Mez nov. spec. - Arbuscula vel frutex ramulis crassis, tortuosis, novellis glaberrimis plus minus angulatis. Folia petiolis ad 10 mm longis stipitata, elliptica, basi acuta apice breviter lateque acuminata, chartacea, glaberrima, opaca, utrinque densissime prominulo-costulata et paullo reticulata, integerrima, dissite prominulo-punctulata, ad 0,14 m longa et 45 mm lata. Inflorescentiae e ramulis novellis laterales, bracteis manifestioribus destitutae, ad 8-florae, simplicissimae subumbellatae, breviter stipitatae quam folis permulto breviores, glaberrimae; pedicellis usque ad 7 mm longis. Flores in alabastro acutiusculae ad 6 mm metientes; sepalis basi breviter connatis, sese bene tegentibus, ovatis, rotundatis nec emarginatis, toto margine bene ciliatis, punctulis multis atris e minoribus pictis. Petala lobis crasse coriaceis, latissime ovato-ellipticis, apice paullo asymmetrice subrotundatis, crasse punctatis nec lineolatis. Stamina petalis manifeste breviora, antheris subtriangularibus, dorso punctis atris maximis verruciformibus pictis. Ovarium glaberrimum; stylo subtriplo longiore; stigmate punctiformi; placenta multiovulata.

Neu-Guinea, bei Samberi (Moszkowski nr. 185). - Ardisiae novo-guineensi affinis, imprimis foliis densissime costulatis recedit.

(Fortsetzung folgt.)

ZOBODAT - www.zobodat.at

Zoologisch-Botanische Datenbank/Zoological-Botanical Database

Digitale Literatur/Digital Literature

Zeitschrift/Journal: [Botanisches Archiv. Zeitschrift für die gesamte Botanik](#)

Jahr/Year: 1922

Band/Volume: [1](#)

Autor(en)/Author(s): Mez Carl Christian

Artikel/Article: [Additamenta monographia 1922, \(Fortsetzung von Seite 128\) 230](#)